

Konkeri Z (tr). 1 Akiri per milito k perforte estrigi : *ili ne povis ~i Jerusalemon Z* ; la *Romanoj ~is la tutan antikvan mondon* ; la *~o al Anglujo de la Normanoj*. 2 (f) Akiri per granda penado : *~i la koron de virino, la publikan estimon, la gloron*.

konklavo. (K) Kunveno de la kardinaloj por elekti papon.

* **Konkludi** (tr). Tiri per rezono logikajn konsekvencojn el argumentoj, principoj aŭ faktoj : *el tio, kion ni scias, ni povas ~i, ke...* ; *~i el aparta fakto generalan principon*. ~o. Fina konsekvenco de rezonado (Vd **ELFLUI**). ~e. Kiel ~o (Kp **FINE**, **DO**). ~iga. Ebliganta ~on.

Konkordo Z. Kora aŭ morala plenakordo ; harmonio de sentoj k opinioj inter pluraj personoj : *kie regas ~o, regas ordo Z* ; *~o malgrandajon kreskigas, mal~o grandajon ruinigas Z* ; pli valoras *~a ovo, ol mal~a bovo Z*. Kp **KONSENTO**, **SIMPATIO**.

konkordanco. Indekso de ĉiuj vortoj de iu verko (speciale pri Bb) kun cito de ĉiuj lokoj, kie la vorto estas uzata : *~o de l'Ekzercaro*. Kp **REFERENCO**.

konkordato. Kontrakto inter papo k regno pri la respektivaj rajtoj de la ŝtato k de la eklezio.

Konkreta Z. Esprimanta realaĵon ; perceptebla per sentumoj : *~a vorto, riĉo, rezultato* ; *formon ~an al nia batalado ni donis Z* ; ĉiu *~a religio herediĝas senfine en maniero aŭtomata, sed abstrakta senreligiigo ne povas ~esli heredata Z* ; montri *~e sian dankon* ; nia standardo la unuan fojon *~e aperis en Bulonjo Z*. Kp **ABSTRAKTA**. ~igi. Igi pli facile imagebla, donante ~an formon : *~igi ideon per vortbildoj* ; tiu revo *~iĝis en bela libro* ; niaj kunvenoj k kongresoj estas la plej klara *~igo de Esp-ismo*.

konkubino B. Virino vivanta kun viro, kun kiu ŝi ne estas edzinigita ; kromvirino.

* **Konkuri** (x). Vetbatali kontraŭ alia por atingi antaŭ li difinitan celon ; peni por superi alian : *~i iun, kun iu per talento, klopodoj* ; *~i kontraŭ iu por akiri ies favoron* ; *~i kun iu pri vakanta ofico* ; (f) : *~antaj interesoj Z* ; la muziko *pene*

~adis kun la rapida dancado Z ~ (ad)o. Vetbatalo inter pluraj personoj : *lojala ~o B* ; *~o pri profito* ; *~ado al feliĉo, en militpreparoj* ; la *katizo de la intergenta malamo ne estas la ~ado ekonomia Z*. ~e. Kiel ~antoj ; vete : *ili ~e paroladis* ; ĉiuj *~e rapidas al la pordo Z*.

Konkurencio Z. Komerca konkurado : la *~o trudas ĝustan prezon al la varoj* ; *~i (x) iun, kun iu*.

* **Konkurso**. Antaŭarĝita konkuro, laŭ difinitaj reguloj, kun apartaj ĵugantaro k premioj : *~o inter lernantoj* ; *kur~o, rem~o* ; *estigi, malfermi ~on por tri vakantaj postenoj* ; *~a ekzameno B*. Kp **TURNIRO**. ~i (x). ~e konkuri. **RIM.** : En **ekzameno** oni atentis nur la individuajn valorojn de la kandidatoj, en **konkurso** oni atentis pri ilia relativa valoro.

* **Konscil** (x). Senpere scikoni sian propran sentadon aŭ penson : *~i ion Z*, pri io ; *~i sian fortecon Z* ; ni *~u bone la tutan gravecon de la hodiaŭa tago Z* ; la *malsanulo ne plu ~as*. ~o. Senpera scikono, kiun la menso havas pri siaj statoj k agoj : *kiam oni svenas, oni perdas la ~on* ; kun *~o de sia senkapableco Z* ; *denove ricevi la ~on Z*. ~a. Karakterizata per ~o : *~a ago* ; *~a pri kulpo* ; li *parolis kun modesteeco* ; *~e mensogi Z* ; ne blinde, sed *~e akcepti reformojn Z* ; *sen~e vi agis, ~e vi pagos Z*. **Sen~igi**. Perdi la ~on ; sveni. **Sen~a**. Karakterizata per manko de ~o : *sen~a frenezulo* ; por peko *sen~a puno nenias Z* ; *sen~a imitado de la ekzistantaj lingvoj Z*. **Re~igi Z**. Reakiri la ~on.

* **Konscienco**. Konscio, kiun havas la homo pri la morala bono k malbono, pri la morala devo : *pli bona pura ~o ol malpura potenco Z* ; la *~o lin ne turmentas Z* ; lia kulpo peze kuŝis sur lia *~o Z* ; kovri la buŝon (silentiĝi la riproĉojn) de sia *~o Z* ; agi kun pura *~o Z* ; *~o trankvila estas bona dormilo Z* ; *~riproĉo* ; *~dubo (skrupulo)*. ~a. Obeanta al sia devo, akurate zorgega : *~a laboristo, observanto Z* ; fari *~e sian taskon* ; *~eco k precizeco en plenumado de ordonoj* ; kun tre zorga *~eco Z*.

Konsekri Z (tr). 1 (Rk) Solene enoficigi per religiaj ritoj pastron aŭ reĝon. 2 (Rk) Destinii aĵojn por dia servado per religiaj ritoj : *~i preĝejon*.